

已經二年了，我決定全力去追佢
。

作者: 路途上的小人

Powered by [紙言](#)

序章

起我講呢個故事之前，等我介紹吓一定會出現起呢篇故既角色。

第一就係“阿明”。佢就係故事既男主角，阿明係一個鐘意整模型既小毒毒，其實阿明唔毒架，佢性格開朗，又鐘意做運動。-

第二就係“阿欣”。佢就係阿明想追既女仔，人靚聲甜，讀書成績又好，又溫柔。

第三就係“阿澤”。佢係阿明既好兄弟。阿明有野唔明，阿澤都會開解佢。

之後可能有其他角色出現，請大家留意。

第一章：以前的我與她

以前我（阿明）同阿欣係同一間中學，但我地唔係同班既。阿澤問我鐘意阿欣D咩？咁我就話：我鐘意佢人又靚又可愛.....講咗一D表面既野。我同阿欣相處時間唔算長。我亦想慢慢去了解佢。所以我成日都wts佢。

之前既我鐘意一個人既時候，有其他人問我鐘意佢D咩？我除咗答一D表面既野，或者講鐘意一個人係冇原因.....上面講既野都係起2015年

起呢一年我同佢多數相處都係起學校，仲要係唔多。

唯一同佢獨處就係參加咗一個出面既長跑比賽，其實我地都係至在參與，長跑地點仲要係迪士尼。成間學校得我同佢有報名去跑。我仲記得個日長跑既情況。我算係跑得唔慢，佢叫我唔洗等佢，但我又點捨得咁做。所以我就慢慢陪住佢跑到終點。

咁個日當然我地去埋迪士尼挽。阿欣帶埋佢個好姊妹。

我唔怕話比大家聽，其實我係畏高既。我仲記得個日佢叫我去挽“衝天搖控車”（如果唔知係咩，呢個機動遊戲係起U形軌道上挽）其實我真係驚驚地。不過自己愛人叫到，做咩都要架啦！咁其實之後都係周圍挽吓。

咁夜晚去完食飯，佢朋友走先。個陣好似十點幾，然後我就搭的士送佢返屋企。

之後都有keep住wts同佢傾計。其實我真係好鐘意佢。

第二章：一秒朋友；一秒敵人

講返起2015年既事。我有一個算係ok熟既朋友，佢叫阿杰，我同佢有一次跟學校去旅行，仲做咗4日室友。其實我早前聽過阿澤講過阿杰鐘意阿欣。咁當然我就扮無知啦，但起呢幾日旅行入面，阿杰成日同我講話鐘意隔離房既女仔阿雪（阿雪係我同班同學）。

阿杰：喂！阿明你同阿雪一班既。

我：係，做咩咁問呀！

阿杰：你可唔可以話阿雪既野比我聽呀衰鬼。

我：。。。佢D野關你鬼事咩

阿杰：其實我呢。。。。。

我：妖你有野就講啦！

阿杰：我鐘意阿雪。。。

我：吓，你。。。講真架？

阿杰：呃你做咩。

之後我咪話咗D關於阿雪既野比阿杰聽。

如果阿杰成功既話，咁咪會少一個人去追阿欣囉！

阿欣都有好幾個人追架，雖然佢起我眼中唔係女神，因為女神係擺黎仰慕既，而唔係擺黎追架。我都係為咗易D追阿欣，所以先幫阿杰。

但完咗個旅行之後，我先發現原來阿杰仲有追阿欣，咁當然我就冇同佢因阿欣而嘈架，只我之後都有搵阿杰。我知道阿杰冇咁易搞掂，不過我個陣只可以見步行步，同我爭既人唔止一個。

第三章:離開！

起2015年尾我有一日我同阿欣表白。個次表白就當然失敗啦。(如果成功就唔會有呢篇故)，阿欣話如果下年一班就答應同我一齊。但因為某原因，我最後就轉校。咁即係代表我一定有可能同阿欣一齊。有人同過我講就話你都離開咗呢間中學，做咩仲追呢間中學既人。我只可以話我有辦法放留，我真係好鐘意佢架。

我去到新學校之後，日日做既野都有咩特別。我亦好耐都有見阿欣，只係起wts到傾吓計，但係我知道，如果我唔約人就好難有進展，但係都隔咗幾個月冇見，好似好難約佢咩。唔知係唔係天開眼，我近排上網抽獎，點知比我抽中咗兩張海洋公園飛。唔通連個天，都鐘意我，比今次機會我約阿欣。咁我就即刻問阿欣。

Wts

我：阿欣，我啱啱上網抽到兩張海洋公園飛。

阿欣：咁好運。

我：係囉係囉！唔知你有冇時間同我去呢！

阿欣：你搵唔到朋友去咩？

我：我宜家咪搵緊囉！（搵緊個個就係你）

阿欣：oh.....你其他朋友呢？

我：佢地唔去呀，不如你同我去。

阿欣：咁我問埋個朋友睇吓一唔一齊去！

我：好呀！

過咗一陣

阿欣：我個朋友唔去呀。

我：咁不如你同我去。

阿欣：是但啦！

我：咁就今個星期六起火車站等啦！

阿欣：ok冇問題。

阿欣肯同我去，我開心到跳舞。

今次係我同阿欣單獨約出街。

果然連個天都比機會我。

第四章：約會（上）

咁上回講到我約到阿欣去海洋公園。今次可以話係我同阿欣第一次單獨約會。我興奮到跳舞。咁去海洋公園前一晚我就同阿欣wts。

我：咁聽日aq早上8:30起上水火車站等

阿欣：ok，冇問題

我：記得帶多件衫，到時實整濕。

阿欣：差D唔記得。

我：咁早抖啦,goodnight

阿欣:goodnight

Wts完之後好似已經夜晚12點幾。

平時我應該上網睇吓片就瞓著，但可能緊張啦，瞓極都瞓唔著，好似去到4點幾先瞓著。

我7:30就起身，击個涼gel埋個頭就出門，我仲wts阿欣。

咁我8:15就去到火車站（我當然要早D到啦！）

到8:30個陣，阿欣wts我可唔可以改9點，我就話：慢慢黎！跟住周圍行咗一陣。差不多9點，我企起火車站，雖然人多，但我感覺到有人向住我行過黎，我望過去，原來係阿欣，（冇見幾個月，又好似靚咗，雖然好似同之前差不多高）。一上火車我即刻搵個位，然後比阿欣坐，我就企起度，成程車我地淨係講吓各自返學D野。好快就去到海洋公園。天氣超正。我同阿欣講去坐纜車，但係我畏高，阿欣都知。起等坐纜車時，阿欣下載咗個海洋公園app,可以預約機動遊戲，不如預約挽動感快車la,我無言了，咁我地就坐纜車上去，一上到去，我話去挽雷霆節拍，佢話ok,咁我地挽個陣我就坐出面，佢坐入面，咁挽個陣，架野起咁轉，阿欣好自然咁壓埋黎，我就張隻手搭住佢膊頭。咁好快就挽完，然後我地去挽極地時速，我地坐最頭，我地諗緊後面D人點解叫得咁誇張。。。明明唔恐怖。之後我地去挽極流。

我：阿欣，你係唔係帶錯襖（阿欣帶咗件厚襖）

阿欣：咁點算呀？

我：我比件風襖你啦。

阿欣：好呀！

我被人射到濕曬。。。

阿欣就少濕啦。

之後我地去挽海盜船。（輕鬆啦！）

阿欣話挽越礦飛車，其實我之前同朋友黎過好多次，但我都冇挽（驚呀），但今次就算驚都要挽。

一開車阿欣同我講：宜家好似賣你豬仔。

我心諗：好似好恐怖。

經過一輪慘叫之後，我話再挽過，最好坐最頭。

之後挽完就去挽滑浪飛船，兩個人都冇濕，我估應該係因為我重過又高過阿欣，我坐後面，所以冇濕。

之後我地去食lunch

第五章：約會（下）

咁上回提到我地起海洋公園食lunch

我地入咗一間餐廳，起入面行咗兩個圈都搵唔到餐牌，跟住問人，然後知道就去睇啦！

嘩！個價錢真係堅離地，貴到hihi。

最後我地決定去另一度食，跟住一齊去買炸雞。

我地坐埋炸雞店旁邊，咁我地買完就食lu。

咁我望到隔離係鯊魚館。

我：不如我地一陣去睇鯊魚？

阿欣：好呀！

咁我地食完野就去咗睇鯊魚，我講咗個笑話：個條鯊魚個樣同你黐個陣一樣。之後阿欣無視我。。。。

阿欣：不如去挽動感快車？

我：啱啱食完野冇耐，我驚挽完會吐。

阿欣：咁轉頭先囉！

跟住我地周圍行吓行吓行咗去動感快車個度。

阿欣捉咗我上去。我驚到一個點，排隊期間我不斷同阿欣講咁多人不如唔好挽啦！最後我地都係挽咗，超級刺激，阿欣坐我隔離其實就有咁驚。之後我地再挽多一次。然後周圍睇吓野就入夜，最後我地睇埋煙花就走了。

咁之後我地決定去荃灣食韓燒。

起韓燒過程中，我地咩都講，佢講吓拉小提琴，我又讀吓自己模型比賽既事，最好笑既事就係起我燒燒吓個陣，佢拎咗D生菜黎，同我講用生菜可以洗個爐蓋，但又真係洗到一部分。之後都傾吓計，我燒吓野比佢食，佢燒吓野比我食咁。韓燒完我地就去趕巴士，個陣已經夜晚11點左右。我地上得切巴士，我見阿欣好叻咁，佢坐起我隔離，好快佢就瞓著咗！佢瞓覺個樣真係好可愛，我仲同佢影咗兩張自拍。咁我冇叫佢，等到落車先叫醒佢，佢落咗車之後（佢一落車行兩步就到屋企）咁我坐多幾個站返屋企。

第六章：驚人既消息

咁上次約會去海洋公園已經係四月既事，起四月至六月期間，我約過兩次阿欣去睇戲，不過兩次佢都唔得閑。

但起六月某一日，我約咗個舊同學食午餐，咁我地行緊去個陣，佢成日抽我水，成日講我追阿欣既野，我呢個舊同學同時係我好朋友亦係同阿欣一班。我地傾傾吓計，佢突然同我講。

朋友：有人要飛喎。

我：飛咩呀？去旅行？

朋友：飛去外國讀書呀！

我：咁.....關我咩野事？

朋友：你唔關心就算！

我：咁其實係邊個飛呢？

朋友：唔想話你知啦。

經過我叫咗佢一陣，佢終於講。

朋友：邊個飛，咪你一生中最愛囉！

我：你講阿欣？

朋友：啱呀！

我：佢冇同我提過。

朋友：佢5月講咗架啦！可能佢想避開你，你追第二個啦！

我：我點都唔會放棄。

之後我地食完飯，我自己返屋企。

其實我起度諗，點解佢唔話比我知，我宜家知道佢遲D要走，雖然我唔開心，不過好過咩都唔知。

下回《離別前最後一次約會》